

Prvi periodični izvještaj

Stručnjakinja za vanjsko praćenje rada Odjela za provođenje postupka po izvještajima o imovini i interesima

predviđen članom 11. stav (6) Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima

Vremenski period obuhvaćen ovim izvještajem: 05.09.2024 – 04.01.2025. godine

Kontekst:

Kroz nekoliko izmjena i dopuna Zakona formiran je novi Odjel (u daljem tekstu „Odjel“) u okviru Sekretarijata Visokog sudskog i tužilačkog vijeća Bosne i Hercegovine (u daljem tekstu: „VSTV“). Nadležnost Odjela je propisana članom 86 ff Zakona o VSTV-u, odnosno članom 86g. Zapošljavanje u Odjelu i rad Odjela će nadzirati stručnjaci za vanjsko praćenje, u skladu sa članom 86. (h) Zakona o VSTV-u.

VSTV je na sjednici održanoj 05. septembra 2024. godine imenovao Mariju Giulianu Civinini, sutkinju u penziji iz Italije i Anette Milk, tužiteljicu u penziji iz Njemačke, za stručnjakinje za vanjsko praćenje u skladu sa članom 86h Zakona o VSTV-u.

Odjel za provjeru izvještaja o imovini i interesima još uvijek nije kadrovski popunjen i nije operativan. Stoga su zapažanja iznesena u ovom Izvještaju ograničena na praćenje postupka zapošljavanja.

Aktivnosti zapošljavanja:

Dana 06. septembra 2024. godine, na prijedlog VSTV-a, Agencija za državnu službu (u daljem tekstu: ADS) objavila je javni oglas za popunjavanje 5 pozicija u Odjelu i formirala dvije komisije za izbor.

Komisija 1 je nadležna za sljedeće pozicije:

- šef Odjela (1 pozicija)
- pravni savjetnik (1 pozicija).

Komisija 2 je nadležna za sljedeće pozicije:

- zamjenik šefa Odjela (1 pozicija)
- stručni savjetnik (1 pozicija)
- stručni saradnik/analitičar (4 pozicije).

Istovremeno je raspisan i oglas za određene dodatne pozicije u VSTV-u, koje nisu predviđene za Odjel, te stoga nisu predmet praćenja stručnjakinja i ovog Izvještaja.

VSTV je ukupno zaprimio 144 prijave koje su podnijele 92 osobe.

Tačne brojke su prikazane u tabeli ispod.

Odlukom od 28. oktobra 2024. godine Agencija za državnu službu imenovala je članove komisija za izbor.

Komisija 1 sastoji se od jednog izabranog člana VSTV-a, jednog šefa (drugog) Odjela Sekretarijata VSTV-a i tri visoka državna službenika uz Ministarstva pravde BiH, Agencije za zaštitu ličnih podataka BiH i Agencije za prevenciju korupcije.

Komisija 2 sastoji se od jednog izabranog člana VSTV-a (isti kao u Komisiji 1), drugog šefa Odjela Sekretarijata i tri visoka državna službenika iz Generalnog sekretarijata Vijeća ministara BiH, Ministarstva finansija i trezora i Ministarstva pravde BiH (ista osoba kao u Komisiji 1).

Komisije su održale sastanke 19. i 29. novembra radi razmatranja ispunjenosti uslova od strane kandidata. Komisija 2 na svom sastanku nije došla do konačnog zaključka o određenim pitanjima, te su članovi Komisije nastavili komunikaciju mejlovima - uglavnom povodom pitanja koju vrstu prethodnog radnog iskustva treba prihvatiti u pogledu kriterija „isti ili slični poslovi”. Ta komunikacija je završena 20. decembra 2024. godine. Potrebno je napomenuti, iako to izlazi izvan vremenskog okvira ovog izvještaja, da se na preporuku stručnjakinja, a radi transparentnosti i pojašnjenja, Komisija 2 ponovo sastala 21. januara 2025. godine i formalno potvrdila zaključak do kojeg su članovi Komisije došli u komunikaciji e-mailovima.

Neki od kandidata za koje je utvrđeno da ispunjavaju uslove su morali polagati javni/upravni ispit kao preduslov za dalje učešće u konkursnoj proceduri. Ispit je proveo ADS 03. januara 2025. godine.

Kandidati Komisije 1 za koje je utvrđeno da ne ispunjavaju uslove su uredno obaviješteni. Jedan kandidat je izjavio žalbu. Odluka po žalbi još nije poznata.

Kandidati Komisije 2, u vremenskom periodu na koji se odnosi ovaj Izvještaj, nisu bili obaviješteni.

Brojke:

Oglašena pozicija	Broj primljenih prijava	Broj kandidata koji ispunjavaju uslove	Broj kandidata koji nisu položili javni ispit ili ga nisu polagali	Broj kandidata koji nastavljaju dalje sa procedurom
Šef odjela	11	7	-	7
Pravni savjetnik	35	26	-	26
Zamjenik šefa Odjela	25	17	-	17
Stručni savjetnik	28	18	1	17
Str. saradnik/analitičar	45	25	4	21
ukupno	144	93	5	88

Napominjemo da je broj osoba koji i dalje učestvuju u proceduri manji od 88, jer se značajan broj kandidata prijavio na više pozicija.

Nalazi:

I VSTV i ADS kao institucije, kao i Komisije za izbor, su u potpunosti i maksimalno transparentno sarađivali sa stručnjakinjama. Stručnjakinje su imale potpuni pristup svim relevantnim dokumentima i mogle su pomno pratiti proceduru putem e-mailova i videokonferencija na sastancima komisija. Obje Komisije su primijenile i tumačile relevantne zakone i podzakonske akte na isti način. Stručnjakinje nisu uočile nikakve povrede relevantnih zakona, podzakonskih akata ili procedura. Postupak je proveden bez nepotrebnih odlaganja, ali je očekivano usporen tokom zimskih praznika zbog ograničene dostupnosti članova komisije.

03. februar 2025. godine

Maria Giuliana Civinini

Anette Milk